

**Landesbibliothek Oldenburg**

**Digitalisierung von Drucken**

**Phaedri Avgusti Liberti Fabvlarvm Aesopiarvm Libri V.**

**Phaedrus**

**Rintelii, MDCCXXXVIII**

**VD18 13044567**

Fab. XXV. Poeta non vult differri auxilium.

**urn:nbn:de:gbv:45:1-17134**

epulabantur discubentes, excessit: illud supra conuiuas corruit, ac simul omnes miseranda strage oppressit. Ad ianuam Simonides, qui eum excitauerant, iuuenes inuenit nullos. Eius rei cum exiisset fama, vt ab initio ad finem usque gesta erat, nemo dubitauit, Castorem et Pollucem, numina praecipue hominibus propitia adfuisse: vt vitae periculo eximerent poetam, ac eum, adeo sibi deuotum, mercedis loco, saluum in columemque feruarent.

## FAB. XXV.

*Poeta non vult differri auxilium.*

Supersunt mihi, quae scribam: sed parco sciens,  
 Primum esse ne tibi videar molestior,  
 Distringit quem multarum rerum varietas;  
 Dein si quis eadem forte conari velit,  
 Habere ut possit aliquid operis residui. 5  
 Quamuis materiae tanta abundet copia,  
 Labori faber ut desit, non fabro labor.  
 Breuitatis nostrae praemium ut reddas, peto,  
 Quod es pollicitus. Exhibe vocis fidem:  
 Nam vita morti propior est quotidie. 10  
 Et hoc minus perueniet ad me muneris,  
 Quo plus consumet temporis dilatio.  
 Si cito rem perages, usus fiet longior:  
 Fruar diutius, si celerius coepero.  
 Languentis aevidum sunt aliquae reliquiae, 15  
 Auxilio locus est: olim senio debilem  
 Frustra adiuuare bonitas nitetur tua,  
 Quam iam desierit esse beneficium utile,  
 Et mors vicina flagitabit debitum.

H 3

Stul-



Stultum, admouere tibi preces, existima, 20  
 Proclius vltro quum sit misericordia.  
 Saepe impetrauit veniam confessus reus:  
 Quanto innocentis iustius debet dari?  
 Tuae prius sunt partes, aliorum dein;  
 Similique gyro venient aliorum vices. 25  
 Decerne, quod religio, quod patitur fides,  
 Et gratulari me fac iudicio tuo.  
 Excedit animus, quem proposuit, terminum,  
 Sed difficulter continetur spiritus,  
 Integritatis qui sincerae conscius, 30  
 A noxiorum premitur insolentiis.  
 Qui sint, requires; apparebunt tempore.  
 Ego quondam legi quam puer sententiam:  
 Palam mutire, plebeio periculum est.  
 Dum fanitas constabit, pulcre meminero.

---

*Bis dat, qui cito dat: nil dat, qui munera tardat.*

Scribenda mihi longe quidem plura super-  
 sunt: sed studio tandem verborum finem fa-  
 cio: ne tibi, rerum grauiorum varietate di-  
 stricto, nimium obstrepere videar: atque vt  
 materia superfit etiam noui operis illi, qui me-  
 cum eodem forsan argumento certare velit:  
 quamuis tanta sit a me iam filicernio sene or-  
 natius exascianda aliis relicta fabularum copia:  
 vt labori facile faber, non fabro labor deesse  
 possit. Hoc a te peto, vt, quod promisisti,  
 gratae iam soluas mihi breuitatis praemium:  
 ac cito praestes fidem, quam ego verborum  
 esse tuorum futuram credidi. Quotidie pars  
 aliqua

aliqua demitur vitae nostrae : ut magis magis-  
que continuo per tacitos atque fallentes cursus  
ad mortem properemus. Tantoque minus  
beneficium poterit prodesse mihi : quo magis  
differtur illud , atque longius edacis rerum ac  
senibus inprimis inuidiosi ducitur temporis  
mora. Si , quod dare vis , cito dederis : eius  
longiorem mihi suppeditabis vsum : et mune-  
re mihi , celerius accepto , diutius perfui lice-  
bit. Quoad vitae perbreuis huius , prope de-  
ficientibus iam animi corporisque viribus , pars  
aliqua supereft : dabitur misero subueniendi  
occasio. Mox senio confectum frustra libera-  
litas tua iuuare studebit : cum ego beneficium ,  
oportunitate destitutum , persentire nequeam ;  
et mors , debili proxima , naturae debitum acri-  
us postulet. Ast superuacaneum esse puto ,  
pluribus te fatigare precibus , auresque velli-  
care illi , qui , pro innata bonitate , ad miseri-  
cordiam facilis et propensus , miseris quam lu-  
bentissime subuenire videtur. Ipse etiam sce-  
lerum conuictus saepe damnationem praeoc-  
cupat confessione sua : et supplex , dum fugit  
ad clementiam iudicis , impetrare solet delicti  
veniam. Quanto magis venia debet esse pa-  
rata mihi , quem criminis arguere nemo pot-  
est ? Innocentem iuuare , tuum inprimis erit ,  
qui plurimum gratia et auctoritate vales. Mox  
te praeēuntem sequentur alii , qui toto tibi ad-  
haerent pectore , tuamque in sententiam pe-  
dibus semper ire consueuerunt. Tum et re-  
liqui , eodem ordine sententiam rogati , ad-

garia et quotidiana, vilescent ac reiiciuntur.  
Ast citato gradu iam ad eiusmodi fabulam  
progrediendum.

## FAB. I.

*Demetrius Rex, et Menander Poeta.*

Demetrius, qui dictus est Phalereus,  
Athenas occupauit imperio improbo.  
Ut mos est vulgi, passim et certatim ruunt:  
Feliciter subclamant. Ipsi principes  
Illam osculantur, qua sunt oppressi, manum, 15  
Tacite gementes tristem fortunae vicem.  
Quin etiam resides et sequentes otium,  
Ne defuisse noceat, reptant vltimi.  
In queis Menander, nobilis comoediis,  
Quas, ipsum ignorans, legerat Demetrius, 20  
Et admiratus fuerat ingenium viri;  
Vnguento delibutus, vestitu affluens,  
Veniebat gressu delicato et languido.  
Hunc vbi tyrannus vidit extremo agmine:  
Quisnam cinoedus ille? in conspectu meo 25  
Audet venire? Responderunt proximi:  
Hic est Menander scriptor. Mutatus statim

*Artis etiam miseri nobilitantur fama.*

Cum Demetrius rex, qui Phalereus cognominatur, Athenas opprimeret tyrannide, et omnia sub potestatem suam redigeret: ut vulgo solent, passim omnes vndique affluunt ita, ut ciuium quisque primus ad nouum regem suum accederet. Fausta et felicia gratulantes precantur omnia. Ipsi etiam ciuitatis principes, vtut publicam sentirent forti victoris manu